

見聞雜紀

別腸不易醫治得然却要以地方論不可云
舉世皆然○萬曆某年嘉郡大守龔公入覲
還余訪之有一士夫在賓館余問要拜否對
曰先四拜後復四拜余問何也曰先為久別
後為復任此便是細軟謙卑之症○宋人有
言舉朝皆鬚眉婦人余少不以為然今日看
來悍然不顧肆無忌憚既似男身委婉聽從
人哭也哭人笑也笑人貪也貪畢竟像婦人
者多易曰大過君子以獨立不懼能獨立便
與婦人褻居不妨然在界上容他不得故聖

人又云遇世無悶

十九

初潭集載漢朱博為丞相臨拜受策有大聲如鐘鳴上問楊雄李尋對曰洪範所謂鼓妖者也人君不聰空名得進則有無形之聲博後果坐事自殺人君不聰四字漢去古未遠故敢有此言君得聞之○顧雍累遷尚書令封陽遂鄉侯拜侯還第家人不知李子曰何修何為有此懿符○仲尼曰史雖有君不道三不仕而辭並不祀而諱惡直能顯橫入李

子曰直能曲於人非有大學問大涵養不能
若負直自矜曰吾性氣如是其為直也淺矣
何足以云君子○西門豹為鄴令清冠繁纓
秋毫不私而甚簡左右左右惡之期年且計
君收其璽豹再求令鄴因重歛百姓急事左
右期年上計文侯迎而拜之豹對曰往年為
君治鄴而君奪臣璽今臣為左右治鄴而君
拜臣臣不治矣遂納璽而去嗟嗟由今視魏
文時一二千年矣吏風且然何恠乎今之奔
兢趨利者衆也○盧坦為河南尉杜黃裳為

尹召坦立堂下曰某家子與惡人游破產公
為捕盜盡察之坦曰凡居官廉雖大臣無厚
蓄其能多積者必剥下以致之如其子孫善
守是天富不道之家也不若恣其不道以歸
於人故不察客曰今之仕宦寧特在官貪婪
而已居鄉務囑託富增益惟日不足天道不
加譴焉何耶李子曰彼蒼者網疎而不漏請
君安意息目以待之

二十

太守歐陽欽署到憚為功曹汝南舊俗十月

享會百里內縣皆齎牛酒到府燕飲臨享歛
曰西都督郵繇延稟性公方摧破奸賊不嚴
而理今與衆儒共論延功顯之于朝主簿讀
書教戶曹引延受賜憚于下座愀然前曰司
正舉觥以君之罪告謝于天按延資性貪邪
外方內圓朋黨構奸罔上害人所在荒亂怨
慝並作明府以惡為善股肱以曲為直此旣
無君又復無臣憚敢再拜奉觥歛色動不知
所言問下掾鄭敬進曰君明臣直功曹言切
明府德也可無受觥哉歛意少解曰實歛罪

也故受觥嗟乎此即今之鄉飲也飲必有主
而主未必擇賢飲以為賓而賓不皆純德司
止雖設徒文具爾焉得直言讜論如惲勇於
任過如欽者而仰追古道哉

十一

○張江陵旣敗蒲州張公四維代之言官論劾
居正子某某等王篆子某

某某等科場

貢緣蒲州公票

旨張某某等不問進取公私悉革職除名余
不能記其全

旨而大意如此大手段大筆力真西北人氣魄也偉哉

十二

魏武帝崩文帝悉取武帝宮人自侍帝病困卞太后出看疾見直侍皆昔所幸愛者問何時來云正伏魔時過因不復前而嘆曰狗豕不食汝餘死故應爾至山陵亦竟不臨○昭君有子曰卞違單于卒卞違繼立胡俗父死子妻毋昭君問卞違曰汝為漢也為胡也卞違曰欲為胡爾昭君乃吞藥自殺

十三

馬要沈封翁塾大寒下顧余生平慣風興綿興未及櫛髮而門者報封翁至矣余迓迎問先生何時發舟曰雞初鳴余不勝嘆羨乃余壻南潯錢子人舟過我非午則未必經宿明日行余憾其無家法嘗曰錢氏必敗已而田產家業不下萬金果賣盡他徙次壻桐鄉沈子為副憲遽庵公見其過余家半潯路而近晏起晏來較錢尤甚吾沒不及覩其敗耳若沈封翁子孫貴顯綿長宜哉

廿四

謝安石與支遁書人生如寄爾頃風流得意之事殆為都盡終日戚戚觸事惆悵惟遲君來以晤言消之一日當千載爾

又廿五

余請告還省停臨清州數日同年于公有年以侍御養疾在家屢過余寓只乘馬不乘輿家事亦蕭然清也

浙縉雲同年鄭君汝

璧語余曰弟等在家乘馬出入道遇族人尊行或賣柴魚菜生理者必下馬作揖別十數

步復乘余問假饒不下馬如何鄭曰他會罵亦相傳舊規如此

廿五

鮑宣妻桓少君初歸宣裝送甚盛宣謂妻曰少君生富貴習美飾而吾實貧賤不敢當禮少君曰大人以先生修德守約故使賤妾侍巾櫛既奉承君子唯命是從乃悉屏侍御服飾更短布裳與宣共挽鹿車歸鄉里拜姑禮畢提甕出汲修行婦道鄉邦稱之○梁鴻字伯鸞勢家慕其高節多欲女之鴻並不娶同

縣孟氏女肥醜而黑擇對不嫁鴻聞而聘之
始以裝飾入門七日而鴻不答妻跣牀下請
罪鴻曰吾欲裘褐之人可與俱隱深山者今
衣綺縞傳粉墨豈鴻所願哉妻曰以觀夫子
之志爾乃更為椎髻著布衣操作而前鴻曰
此真梁鴻妻也字之曰德耀名孟光久之同
入霸陵山中業耕織詠詩彈琴以自娛多所
著述至吳依臯伯通為人賃舂妻具食舉案
齊眉伯通異之乃舍之於家疾且困伯通為
求葬地於要離墓傍咸曰要離烈士伯鸞清

高可令相近

李子曰鮑宣梁鴻清高絕俗少君德耀婦順
邁倫伯通亦非尋常人矣彼鮑梁二君者生
前生後何修何為而獲此良配以流芳百世
哉

廿六

翰林方公

從哲德清籍京師人

大司成在告一日偶

乘蹇騾行街坊而巡城御史某公門人也其
跟隨人不知為方公將鞭狠打騾一下騾跳
奔方公墮地門人尾其行造宅請罪公曰無

此事我不曾騎驃出誰妄說至此倘聞之市
朝不雅我實未嘗出也或眼官人誤認耶此
事雖小而公雅度寬弘善處師弟之間曲盡
其妙矣迥未易及

廿七

里中有土妓某氏厥夫某嘗作短工于密印
僧家知僧囊頗饒傍人笑之告僧淫其妻事
在郡守陳公幼學郡批烏程問理烏程已捷
僧具由報矣陳公覆審密召鐵佛寺一僧置
之閒房厥夫亦遠置門外召婦問曰若所告

僧若熟識其面乎婦因遷徙日久屢遇我輩
物某物如何不認稱詢實名鐵佛赤僧出問
婦曰是乎若却認得乎婦曰正是太守然然
縛其夫進痛責之婦亦去衣決密印僧覓得
白郡門外聚觀者至二三百人咸稱快焉○
僧道不守清規自是莊間常事然却要存些
體面庶僧門道院亦有光輝若肆無忌憚往
徃殺身寧止受辱而飽余所目擊焉僧聞赴
利濟院僧某見殺于姦婦主人之子廣福寺
僧某見殺于姦婦之夫割其首送官兩有可

鑒不足惜已

廿八

吳中明

號左海歙縣人丙戌進士

趙公

志

在政府有族

人名學仕者任南京工部主事用官銀三千兩不明被叅不議賠償亦不擬罪止謫官通判已而未赴京從內竟補饒州府判吳公極言學仕應坐監守自盜律失出併論南京法司衙門公論定趙卒問徒正法彈章傳播海內惜余未之見也噫天下未嘗無人但無人用之爾如公真直道事人者玆今官按察使

廿九

戊申七月長興丁慎所公元薦下頤道及原

任吾浙撫臺王公

汝訓山東人

起南京刑部侍郎

烏程籍吳江沈太素公

季文

巡撫河南特本

薦原任吾浙巡按彭公

應參

又二員某某皆

在林下者特薦與復

命不同王公云多懿

行余並喜而識之○王公與慎所父同年慎

所曾造其家時王公厚貲俱散盡無磚瓦重

門之蔽命童子開籬柵延丁入景象幽雅蓋

人間地行僊也

三十

余長伯家最薄先贈君代償其負券零星難
數一日下姑蘇市貨將還家長伯負鄔氏十
餘金索甚亟祖母權辭對其人云俟贈君回
即有處贈君不忍祖母食言即以所市蘇貨
一船盡償鄔去較范公麥舟之助多寡雖殊
其尚義一也○里中孔姓者失十餘金于肆
中贈君拾而藏之須臾號泣來覓慰之曰毋
泣也開其封如數悉遞還 又一鄉間婦人
亟行市中墮倒插贈君追而還之婦泣拜謝

去 先贈君懿行詳載唐一菴先生誌銘及
家傳遺事此特百分之一爾不肖萬不能及
者則先贈君為善出自夙稟素心隨感而應
初無好名責報之念古人所謂陰德贈君有
焉

三十一

人當不如意或遭大患難時可以考見學問
操持當窺得意當貴榮利駢集尤可以考見
學問操持故孟子曰富貴不能淫貧賤不能
移威武不能屈此之謂大丈夫少不然即為

小丈夫矣學者當時時猛省

三十二

李固與弟書曰經有五涉其四州有九涉其
八但未到益州爾唐先生足跡遍天下獨不
到四川晚年欲行其兒孫輩長跪阻之恐其
客死也先生曰客死與老死牖下總一般先
生無書不讀何止五經賢於李固遠矣若余
壯年五經雖嘗涉畧獨苦拙性不能記人姓
名左傳胡傳雖讀猶不讀也宇內山川百不
睹一况八州乎

三十三

嚴君平遵常嘆曰益我貨者損我神生我名者殺我身賣卜成都市日得百錢自給則閉肆下簾富人羅冲為具車馬衣糧皆不受曰吾非不足子柰何以不足而助有餘冲曰吾有萬金子無僦石何云有餘君平曰不然子家汲汲營營常苦不足我以卜為業不下牀而錢自至猶餘數百非我有餘而子不足乎○向子平讀易至損卦喟然歎曰我已知富不如貧貴不如賤但未知死何如生爾嫁娶

畢敕斷家事云當如我已死與同好禽子夏
俱遊五嶽名山不知所終

三十四

禮儀三百威儀三千非古先聖王好為此繁
瑣以苦人也人生世上此身此心唯禮可以
檢束之故詩曰人而無禮胡不遄死言禮不
可一日無也沈封君塾在座鏡宇昆弟四人
一語不發偶一日沈中丞稱作社主鏡宇以
侄行猶執杯遞上中丞送客余訪沈繼山亞
卿偶持齋素其內人併繼山不供一葷肉余

讀書董氏拜三莊唐先生下顧董宗伯公
莊來唐先生坐坐坐宗伯與余在旁懋德待
移時先生亦不命之坐禮固然也天地生人
所以長此禮之為助焉

三十五

延陵季子遊於齊聞遺金於路呼牧者取之
牧者曰何子居之高而視之下也類君乎而
言野也有君不臣有友不友當暑衣裘寒
取金者乎季子知其賢請問姓名牧者曰
皮相之士何足語姓字哉

三十六

李景讓為浙西觀察因杖殺一左都押衙軍
中憤怒欲為變景讓方視事其母出坐廳事
立景讓於庭責之曰天廷付汝以方面豈得
妄殺萬一致下方不寧豈惟上負天子下愧
先人矣命左右褫其衣坐之欲撻其背將佐
皆泣拜為請至夕乃釋軍中遂定

三十七

藝祖將北征京師諠言欲立檢點為天子太
祖告其家曰外間詢詢將若之何時太祖據

在廚下舉麵杖擊之曰大夫臨事可否當自決乃來家問恐怖婦女耶

三十六

衛大夫史魚卒委柩後寢衛君吊而問之其子對曰吾父生不能進蘧伯玉退彌子瑕以屍諫也○子產聞子皮卒哭曰吾已無為去聲為善矣唯子知我○叔向見司馬侯之子撫而泣之曰自其父之死也吾蔑與比事君也昔者此其父始之我終之我始之夫子終之○淮南子曰惠施死而莊子寢說言世莫可

為語也○龐德公居漢之陰司馬德操宅州之陽望衡對宇歡情自接泛舟寒裳率爾休暢一日德操詣之值德公他出德操入其室命其家速作黍妻子羅拜堂下奔走供設俄而德公還直入相就不知何者是客李子曰古人所云通家之好固若是乎今人投刺通家者多覽此深媿○謝安石與支遁書人生如寄爾頃風流得意之事殆為都盡終日戚戚觸事惆悵惟遲君來以晤言消之一日當千載爾

報國諸臣姓名

侍講方孝孺字希古浙江寧海人
修撰王叔英字原采浙江黃巖人
左拾遺戴德彛浙江奉化人

編脩王艮字欽止江西吉安縣人
編脩程濟陝西朝邑人

國子監博士黃彥清不知何許人
吏部侍郎毛太亨不知何許人

禮部尚書陳迪字景道寧國宣城人

子鳳山丹山等六人同日就戮

侍郎黃魁不知何許人

工部尚書嚴震直湖州烏程人道遇建文

君吞金自盡

侍中黃觀字伯瀾貴池人洪武中會試廷試
皆第一妻翁氏二女同死

兵部尚書齊泰溧水人從兄弟敬宗等同死
尚書鐵鉉上賜字鼎石鄧州人

侍郎陳植廬江人

刑部尚書侯泰字順懷南和人弟敬祖子紀

尋坐死

尚書暴昭山西潞州人

侍郎張曷澤州人

侍郎胡子韶字仲常嘉定州榮縣人

戶部侍郎卓敬字惟恭浙江瑞安人

侍郎盧迥浙江僊居人

侍郎郭任鎮江丹徒人

主事巨敬陝西平涼人

都御史茅大芳揚州太興人

都御史陳性善初名復以字行浙江山陰人

僉都御史周璿青州諸城人妻子皆繫獄

御史大夫練子寧初名安以字行江西新淦人

御史大夫景清陝西真寧人

都御史司中不知何許人

大理少卿胡閏字松友西隅人

少卿薛崑陝西閿鄉人

大理寺丞鄒瑾字公瑾吉安永豐人

大理寺丞劉瑞江西南昌人

寺丞彭興明江西萬安人弃官迹遁莫知所

終

太常寺卿黃子澄字伯淵初名湜以字行江

西分宜人

少卿盧鳳鸞字希晉浙江寧海人

少卿廖升湖廣襄陽人

少卿高巽志字士敷其先徐州蕭縣人

戶科給事中陳繼之興化莆田人

戶科給事中韓永西安人或云淳山人

刑科給事中黃鉞字叔揚蘇州常熟縣人

戶科給事中龔泰字叔安浙江義烏人

監察御史魯鳳韶西廬陵人

御史董鏞不知何許人

御史王度字子忠廣東歸善人

御史魏冕吉安永豐人

御史甘霖安慶懷寧人

御史高翔陝西朝邑人

御史王彬字文曾山東濰陽人

御史鄭公智字顯真嘉州寧海人

御史王玘蘇州人

中書舍人梁良玉變姓名走海南

中書舍人何申不知何許人

中書舍人郭節宋和不知何許人何洲海州人俱變姓名走異域

行人鄭華字思孝浙江臨海人

宋人府經歷宋徵妻子并被殺

銷天監副劉伯完亡去莫知所終

布政司叅政鄭居貞徽州人

山西布政司理問徐讓不知何許人戰歿

浙江按察使王良河南祥符人與家人同赴

火屯

西州按察使李文敏山西蔚州人

前僉都御史江西副使程本立嘉興崇德人
自縊死

北平按察僉事湯宗

僉事胡子義刑部侍郎子昭弟也弃去莫知
所之

徽州知府陳彥回字士淵福建莆田人

蘇州知府姚善字元一湖廣安陸州人

衛輝知府孫鎮合肥人薦起不就自號冲玄
子

寧波知府王進字器之日照人文廟赦還不

仕

濟南知府徐安寧波鄞縣人謫戍雲南

徽州知府黃希范不知何許人論死籍其家
知府楊任浙江嘉興人子禮益同被戮

知府葉惠仲台州臨海人被戮妻蕭氏為奴
同知石允常免死謫戍

教諭王省子通判王禎同死于義

賓州知州蔡運南康人靖難後論死

沛縣知縣顏伯瑋自經死子有為自刎江西

廬陵人

樂平知縣張彦方龍泉縣人梟首暴屍顏面
如玉

蕭縣知縣鄭恕字本忠僊居人靖難兵攻城
破恕死之

孝義縣丞衛健戰歿

沛縣主簿唐子清為北兵所執不屈死
典史黃謙死事與唐同

漳州府學教授陳思賢廣東茂名人其徒諸
生伍性原 陳應宗 林珏 鄒君默

曾廷瑞 呂賢等同日死聞

文皇登極詔也

進士陳周不知何許人雖承吳僧道衍之薦
隱居錫山終身不仕

進士王高南昌人與劉瑞同年坐縱方孝孺
劓鼻于樹下與瑞同死

舉人劉政字仲理長洲人方孝孺所取解首
孝孺被戮政不食而死

生員高賢寧王省所教士志不授官

燕府長史葛誠

燕府伴讀俞逢辰字彥章太平國宣城人以泣

諫被戮

遼府長史程通字彥亨績溪人死獄中

寧府長史石撰山西平定人支解而死

衡府紀善周是修以字行曰安泰和人自經

于應天府學

谷府長史劉璟字仲璟浙江青田人其父文
成太師也下獄自經死

秦府長史鄒朴字爾思仁西永豐人

晉府長史龍鐔字德剛並州載人不屈而死

魏國公徐輝祖鳳陽人中山王之長子年長

閑住以疾薨

越舊侯俞通淵廬州巢縣人陣亡於白溝河
駙馬都尉李堅懷慶武陟人械送北平道卒
駙馬都尉耿璿長興侯之子杜門稱疾竟坐
罪死

都督廖鏞無為州巢縣人送刑部論死

都督孫岳宥死安置海南

都督耿璿長興侯仲子靖難後論死

都督趙清鳳陽人靖難後召入乞閒不許

都督竇忠被執妻與父徐凱同死

都督馬溥壽州人戰敗靈璧被執

都督陳暉被執送北平中道逸去不知所終

都指揮楊松 潘忠松戰死忠被擒

都指揮謝貴伏發就擒而死

都指揮彭二為健卒所格殺

都指揮馬宣被執罵不絕口死之

都指揮鄧戩 陳鵬俱被北兵擒

都指揮朱鑑被縛罵不絕口死之

都指揮瞿能戰敗白溝河死之

都指揮宋忠懷來戰敗被執而死

都指揮俞瑱被執不屈死之

都指揮彭聚力戰死

都指揮孫泰力戰死于陣

都指揮莊得一力戰死之

都指揮陳質被執不屈死之

都指揮楚智 阜旗張同力戰夾河被執不

屈死之

都指揮薛朋濟陽城陷被執教諭王省死之

都指揮唐禮為靖難兵所襲被擒

楊州衛世指揮崇剛與御史王彬同被執不

屈而死

指揮王資不知所自始靖難後追罪廢死

陸梁衛指揮滕聚戰白溝河死

燕護衛指揮盧振數罪夷族

指揮趙諒坐廢憂懼卒

指揮宋瑄忠順公晟之子靈璧之戰力屈死
之

河北指揮張倫靖難後戰死

胡騎指揮火耳灰以擒死

指揮丁良朱彬以兵所擒死

指揮賈榮為北兵所擒

薊州衛鎮撫曾瑤為張玉所執不屈死

鎮撫楊本處州人

鎮撫周拱元湖廣沅州人靖難後死之

燕山左護衛千戶倪諒靖難後死之

千戶蘇獻為北兵生擒

叅軍斷事高巍遼州人篤孝誼善文章京城

破自繫驛舍死

行軍斷事錢芹字繼忠蘇州人云死國事或

云病卒

衛卒儲福無錫人調曲靖衛舟中不食而死
衛卒羅義山西都司戍卒曾上燕王書下
獄

阜隸茅印仔上高人同侯泰被挈後典刑
內官長壽為北兵擒

以下有官職而無姓名

尚書徐公

刑部侍郎金公

燕奉祠何公

松江府同知礫於市

有姓名而無官職

朱進常州人

謝昇山東諸城人

牛景先變姓名走死薊州中

杜奇北平人極諫 燕王當守臣節立斬之

周璿身死妻子沒官

黃埤 陳子方餘姚人與陳性善同死

以上報國諸臣紀中先列二十餘人矣此採
建文朝野彙編所載而悉記其姓名庶使後學
一覽而易知改革之際豪傑忠賢不約而奮
起如此然追想誅夷慘禍夫豈

昭代之幸哉吾師一菴先生尚論諸臣每極歎

欷歔息而重羨尚書嚴公震直吞金自盡善
効其忠以其體天地好生之德災不橫流旁
及也先生之意大且深矣

兵須先下工夫看見眼前何人可代得代者
必賢於去者必有益於國家此善於進言亦
忠於進言者也若只做得這篇文章打出自
己名頭毫於國家無補不如緘口不言反於
言責無損

三十八

唐先生對諸弟子曰人生一身只是脾胃受
虧弟子問曰何也先生曰酒色財氣四字酒
字還兼着食味來今人說自家傷酒致病者
尚有其傷食傷色傷財傷氣諸病痛人却不

肯伏罪人若問及何症一槩混推脾胃不佳
脾胃是一件出官塘塞人的物事何等受虧

三十九

不拘郡邑官要做得好時須先屏遠吏胥門
皂不容近身使其言不得到耳報即有問斷
差錯百姓也亮得我過不然人便說滿堂都
是官了聲譽何由得起淦公蘇章揮崇德
雖由鄉科任却不踰這病人號勞鐵再祀
宦百餘年矣○淦縣簿本在紫金山隋開皇
間令李子樂遷今治公名與淦姓多相字

亦奇事也予後修葺譙樓不欲因一時之
而泯滅公名皆仍其舊不改焉唐末又有李
中亦淦令多善政著碧雲集不知何許人明
有李樂號臨川在任著金川紀事衆行取歸
田著見聞雜紀淦人今號一勞三李○余自
淦入府城每由陸路約六十里遇寒月則沿
路里長二三處必帶平定巾青衣來見必
以大茶甌瀉酒入鷄子四枚敲予為各享其
半收去這景象分明有父母子民之意不容
易得若富家翁辦了擲盒來供非不鄭重却

無古朴儉率意思近年嘉湖鄉士夫宴却是
官者動言客席須銀一兩一卓余不敢隨衆
竊謂用銀一兩辦飯百盤主人固不稱賢主
寒客亦焉得為佳客哉胥失之矣可慨

十四

嘉靖戊午余讀書古山州亞守旅川王君洲
先期約治具入山訪予越數日值重陽君自
君上歸以詩來曰為訂登高約風帆掛丹旌
莫嫌供給少懶下讀書臺由今成中追數已
五十六年矣感而傷之蓋公歿於萬曆癸酉

去今又三十六年也時俗但見例貢出任輒
以為不通經史而公實讀書觀其詩烏可忽
其人也况多厚德清修可重同堂兄濟即兩
舟先生亦讀書善詩行有高誼並載烏青誌

四十一

朱都御史統蘇州人嘉靖二十三年間始巡
撫吾浙前此久未設也嘉興知府趙公瀛陝
西三原人端凝嚴重有古大臣風迎朱都御
史於三塔灣不下跪用黃傘蓋立其下吏跪
口稟知府接爺朱太不悅随移檄委趙往福

建漳州平寇、平還郡、宋不能沒其功、仍薦
之後、擢易州備兵憲副以行

四十二

漢書屢見磔市之刑、磔即今之凌遲刑也、禮
記月令云、季冬命有司、旁磔出土牛、以送寒
氣、磔音責、裂意也、○胡羊一獸、尔白晝不交
人前、不交可以人而不胡羊若乎

四十三

龍賓野先生訓僑寓吾鎮、仕終學諭、少羸弱
多病、六月常穿綿解裹脚、亦至傷風、然保身

多方靡所不慎屢同宴會衆飯先生度不餓
止挑一二箸起卒年八十二可見人當保養
不宜全諉之命數也○龍家貧居館師日多
教弟子及其主人不必言矣暇時併教服侍
童子溫和真切童子粗暴者皆化之○里中
陳竹丘先生文奎見烏青志人物傳善行難
以枚舉曾作館師於錢氏一日責其弟子弟
子問何罪先生曰睡起如何不理衾穿衣忙
遽不提領先生父作教于毫門人來浙為二
司官召先生問曰聞尊翁坊牌傾圯修理需

若平金意欲厚之也先生不敢大其費謹條
購金餘外西徽半平自束脩以上大約少受
人禮物適遇歲期步不滿亂後生雖有放肆
處易先為市必歛束也

四十四

嘉善縣檢司宣德五年設至萬曆甲辰改衛
門系縣門鎮知縣楊公中泰從巡檢金麟角
之請遂置備柵邑此門外有鎖鑰之意緩急
難耳公他日將有議復故土者金津安人所
甚會惡亦楊公不察大計倖免

仙亭五

鎮之北五里許其地有高三者行盜三
三千年車匿六惠壩夜殺入必府羅公
其家賊物如貝鑄金銀帶扇墨牙箸等無不
其備世所知也歲徵死獄中未及五罪人謂
其有餘辜也羅後以酷去官坐提問劫章有
盜良民高王為盜等句皆本郡節推公手筆
上而不察而過聽之矣事在命主大冤遂報
推公年來四謝兩年來必指誣善之報數

四十

。相國少師申公_時與吳江金生栗崗者
同筆硯曾有婚姻之約以殤子不果金生棄
相公歸田後念金生欲以孫女許金生之孫
其媳難之相公夫人諭相公意竟許焉相公
躬送孫女於金厚其嫁資一切禮幣皆謝不
受君子曰倫故不遺門楣不計而厚嫁薄聘
相公可以風世厚俗矣

四十七

添謀二守褚公

_{國祥}

武康辰進士寬平簡易

清守不繼其柵姚姓者妻以失病亡其父告

壻毆死公准其詞不發行下平特至北柵下
後不知所之為何入姚姪家妻尚未殮也驗
無毆死狀呼而造而俱釋之不聞有一錢之
費也○一日公出更深回衙適輜船落後命
一門子同快兵持手燈步回地方不知為少
府公或病其褻無官體余以為古道可取焉
太守陳公幼學主持近祀入名宦李子曰褚
公為官所謂三事克修者初任浦城孰不謂
當行取乃因越囚三人不與陞二守又值吾
鎮添設清苦百倍稱貸三百金供應上官過

客卒以終養去補官東充治河非其所長復
議調歸奉父而病卒也天於廉吏何不垂憫
至是哉

四十八

桐邑生沈惟藩應正貢偶跌損成疾縣學起
貢吏書俱送陪貢生陸日新沈自揣狼狽約
陸曰我當讓汝言訖淚如雨陸惻然曰兄疾
尚可瘳寬心尚有好日一生辛苦何遽讓
我時親友多勸陸貢陸不以為然值洪宗歸者
陸生扶掖至案前稟云沈生昨日接文偶跌

損正在調治試畢得貢後漸愈選處州緝雲
學訓數歲歸沈不忘本結為婚姻縣以事聞
陸蒙德行賞洪於諸生前極口稱之陸今任
嚴州府學訓其子懋元負俊才清年食廩人
以為善報云

四十九

真定大佛寺觀音大士高十丈餘鎔銅所鑄
先是大士託夢於道者令其募銅於外郡得
銅即投之井凡幾年不知銅若干斤及鎔銅
時寺傍一井銅源湧出鑄方畢銅隨盡其

殿宇木料亦託夢道者俟風雨晦冥日全城
外江上候木木果如山積乘風浪來若鉅若
細無不備也殿之落成特假手于匠氏尔所
謂天造地設神運鬼輸此事誠然乎太奇之
靈真偉矣神矣

五十

數十年來屢聞人言僧有坐而火化者訂日
衆念佛會送之若云真佛故能如此余以問
唐先生先生曰不然終是邪道一日里中寶
閣寺朱道人者坐龕中拈坐聲響如雷余偶

隨先生視之先生曰此邪火也五祖亦祖爾聞如是

五十一

嘉靖庚申余館潯上董宗伯公延舉人陸抑齋赴京訓其子而抑齋長即適初婚母氏不欲其割愛遽行也余亦對抑齋述親友之意思家或成疾始遲其行何如抑齋曰若吾子果爾這等兒子要他何用莫說病死了我也不惜竟同去父為子綱抑齋得之子後登科官四川別駕○沈鏡宇亞卿余訪之留酌子

瀛情樓辭新曲餘癖餘癖素潔不讀書閑過
良辰懶理金盞不認醫藥

翠華

蘇州有一潔烈奇偉之士家貧止卓四張每讀史至秦檣殺岳武穆便以手拍卓高聲大罵其妻鄰面止之罵曰若曾與檣有姦情耶畢竟無釋定卓而止嗟乎此君蘇在蘇時讀書處亦與婿家做鄰

樂舞初至

嘉靖辛亥年手闢湖郡有生曹魯者齊陽人

公季者諸生蕭旌趙誠蓋以門生求媚也時

教授陳先生

言丁未會
魁諸官

當堂責曹生奔兢長

曉許又更加笮責諸生竦然嗟今之二邑
有試而府庠生群趨之者恐責之不可勝責
矣然教授風靡知之而不言者多也况望其
有以責補責者乎

五十四

近年官員陞轉都憑邸報然走報人有行者
少或假擇求賞者有之曾見一二司官急性
過信走報言像辭撫按兩臺竟坐虛羞慚真

至告休以去○文貞徐公在朝時有一京官
正卽以悞聽自云轉浙江學憲後不果竟陞
王府長史所謂求利未得而害隨之

五十五

凡入覲年赴京大小官其家口必宜還家遠
者或寄寓大城郭為妥吾湖有一先輩官方
伯美家眷留西蜀卒以年老罷職徃復携家
費了許多心力可駭也

五十六

南天司成劉公知寧江右人勤導監規持法

丞相吾湖一上舍貴介公子也馳馬傷其面
公不發憊愆廳行責面笞之揭衣見內褲大
紅盛怒加責先生風勵士類愛而知勞類如
此數十年以來所未遘也

五十七

古人言利必言害言得必言失言福必言禍
三者相當自是盈虛消息之理士君子只為
貪却目前竟貽後患一日與平涵太史國禎論
及吾湖兩尚書既率皆不敢奏聞而撫按亦
未有憐而上聞者沈丘節甫封翁壘以尚

寶卿蒙賜葬祭幣在高公之上何也竈產之
差并里之謬知得不知失知利不知害知福
不知禍有自來矣平涵渾以余言為然

五十八

湖郡守陳公初學曾為河南確山令語余曰
漢時令某公苦旱求雨不應公竭誠求必
得令民集薪手祈求所求雨終不應吾有縱
火自焚亦也而果自焚死時一丞一吏傷公
死俱不棄殉公兩卒大沛沾及旁邑今祠某
公神位在上迎面向東立而東向凡各祠求

有不哀不淚墮者嗟乎人臣致身事君殺身
以忠王事者自古有之求不惜慘禍死烈火
中如公非數千載而一見者乎貪官汚吏驅
民于霍火者睹此亦可媿死矣

五十九

大學士徐文貞公階語余曰大凡書本上話頭
聽信不得者多即如長平坑卒四十萬恐世
上無此事今有一千卒於此請公為我坑一
坑看自然不易得應命不得况進而萬又進
而十萬四十萬乎大意坑害也今人亦有坑

殺我的話疑是此意之誤

六十

○余一日偶訪湖郡庠諸博士董宗伯潯陽先在諸博士送之大門外然董却守少游郡庠禮不走其中道中門由東廊上出此目睹者聞張莊僖公永明潘尚書季馴諸老皆然不三十年而吾湖有二三士夫途遇郡公祖不避其轎在輿拱手一公祖荅拱一公祖不荅付之若不睹焉嗟乎何廢禮放肆至此於風俗大有所關

六十一

俗吏不違禮但以從俗為恭比、而是湖郡
府官上任齋宿城隍廟有酒大約演戲者多
自太守筠塘陳公幼學始用蔬酌罷戲桐鄉
縣送秀才應試及童生新進大約演戲於明
倫堂萬曆戊申春二月李子臨川作主酌邑
侯湏日華之彥亦不用戲士夫傍觀者皆以
為嗇嗇、此豈論豐嗇哉

六十二

漢成帝遊後苑欲與班婕妤同輦班辭曰自

古賢聖之君必有賢臣在則三代末主乃侍
嬖女今欲同輩得無近之乎帝乃止南史
宋明帝於宮中裸婦人觀之王后以扇障面
帝怒后曰宮中自有樂事何至姊妹裸體相
視以為樂耶婦德懿行不從主欲古今罕及

六十三

奇技淫巧奢靡之物自古無不敗壞自古未
有能傳子孫者吾湖有仕宦內人造珠冠者
用銀四百餘兩聞不久即轉之他宦家理或
宜矣近又有聞四百金少者耳更有千金者

珠麗鉅異常也

六十四

薛方山先生武進人督學吾浙臨湖謁

廟退而諸生說書與諸生講解經二時反覆不倦維時郡邑止照舊茶飲未嘗設菓餅及飯亦見古風余在諸生中目睹盛事

六十五

宸濠之變其未出師也南康太守陳霖湖之長興人時未有人告變獨上疏云宸濠必反臣衰庸乏軍旅才請代臣為知府者即致仕

去較以應位不捨臨難債事者豈不賢矣哉
公之孫昌言後更名深中浙江巴酉鄉試博
學和才多所著官終知州

六十六

萬曆癸酉間江右建昌近溪先生汝芳以
道學名于時入京師謁相國張公居正極加
禮重先生上坐當大賓禮聞其言甚正極論
持盈守滿之理相國竦然

六十七

太史公食貨傳以本富為上如務農桑起家

者而巧富所不取焉里中一人恃兄貴凌人
兄卒未久被讐拏至家呵之跪下以糞灌其
口訟未畢而家隨破矣潯中又一生恃叔貴
起家數千金被讐扶至慈感寺戮辱備至亦
以糞灌其口塗其身者弗論也其他仕宦明
經為屬託被人毀冠裂衣用溝泥塗身於郡
邑門者不可勝數哀哉財之誤人甚大而人
卒弗悟已

六十八

蘇州文衡山先生徵明戒子孫曰吾歿若等

慎勿為我求入鄉賢祠子孫問故曰吳泰伯
孔子所稱至德季札才近伯夷公子中之最
賢者二公儼然在上吾安敢濫側其中耶先
生不居已於賢而賢卒為人所稱其可重也
已○羅念庵先生洪先父官州守江右人鄭
澹泉先生父吾桼公官學博海鹽人皆賢而
祀之祠者念庵澹泉二先生見鄉賢濫觴不
忍其父之混名其間也皆抱其主歸二先生
之見其大異於近世士大夫家所見矣

六十九

桐邑沈生

性善

少貧賴上舍王君化起家王

多所扶助莫大之恩也後有小嫌沈生行本
可黜革疑王為之地卒成大讐親友莫能解
王卒家廢沈之子買王地為父墳扶柩停穴
所王之甥壻鄉人輩共舁沈柩投之河載浮
載沉者兩日夜骸骨解散不待言矣君子曰
夫王今而後得反之也天道不昭乎○里
中一人余家至親也其人奸詭百端不可名
狀夫婦雙柩將入土舟載已至穴所矣風發
舟覆雙柩上下顛倒鄉人亦曰天道昭宜也

七十

里中沈雙溪先生祐訪一友人董姓者其家鎖一負券人於小樓上先生睹鎖者面容不佳謂董曰可亟放之其人至家當夕卒○長興臧堯山先生之父開典于城門內偶至典中值一鄉人贖典物者與家人小忿爭臧翁不直其人其人逞忿以手撲翁面者再家人欲痛辱之翁不許反送其人至門安慰而別其人到家甫三日即死○莊僖張公永明初仕蕪湖令甫三日未行一事也有二民杜公

輿大罵公異之不加刑思所以處之之法未
得詰朝厥父兄弟皆來請罪云吾兒癩疾發
狂請痛治之公曰既是狂疾吾且弗治可領
回調理其人三日後亦卒公之大度能忍如
此安得不享高爵垂名竹帛也○堯山先生
名繼芳仕為松江太守多義政居父母喪三
年不茹葷不入卧內在松江值徐文貞公當
國巡按公令府建坊落成巡按公以奠神虔
拜先生但佇立不隨後拜人問故荅曰統於
所尊不敢拜也

七十一

。平湖陸胥峯公官主政三子光祖即太宰蒞
簡公光祚光裕皆登科第而祚官顯所居對
門某家居豕為業却非貧人家可三百金屠
豕腥血淋漓胥峯厭之一日命家人多市磚
灰砌塞店門阻其出入三子皆不知也既知
齊往其家再拜謝過其人感德無言終易三
百金以上之屋具禮而送之別居焉嗟乎今
之仕宦家求如陸氏三公睦隣厚道未易得
矣

七十二

禮有三不葬市井之地不葬庵觀寺院之基
不葬離隙之地不葬○前人已葬之地不論
賢否萬分不可毀掘毀掘見屍必有顯禍子
孫受害無涯

七十三

桐令高傳岩公梅四川人受鄉士大夫生員
禮甚狼藉金華火腿至堆壁間一日召木匠
入衙工畢木匠懇其家人曰我有子患痢思
此肉乞一小塊家人將一大隻賞之不知此

頗價四三錢也公子先還蜀所帶回珠花值銀兩許一朶者頗富至荊州遊娼家娼家想是叩頭為恭公子未嘗與娼有情率以珠花行賞二十年後高有親周姓者作湖州照磨云與高門戶相對余問高家事今若何荅曰家事蕩然矣傳若尊人官方伯析產頗鉅宦囊亦稍充胡遽至此蓋子或不肖不諳守成所幾歟

七十四

萬曆丁未春二月桐尹須公上任

嘉慶壬午歲

故事鄉縉紳有公酌之。余謀之所親曰：此分子要從厚問何也？曰：客席一卓，舊規治餼百盤，須銀兩許，余不從家整薄席，欸之須公頗悅。諸公都厚費，併力然出於厨夫包辦，弗佳也。嗟乎！主人固不可有慢客心，亦不可有媚客心。慢客媚客皆非禮也。然而媚客品最庸矣。○士大夫一飲一啄一言一動皆當為世道慮，為地方風俗慮，萬分不可只管目前。徒逞已見，不但出處辭受大節所關，然後於昭昭地伸其節也。

七十五

都御史王公

汝訓浙撫臺

尊人家業儘大然

恐盜入其室也終夜防守多至廢寢公委
曲勸其父曰財身外物也何乃自苦如此乃
召其宗族至親執友亮情分析約十去其過
半防守既解尊人得以高枕卧者皆公散財
一著地位高也豈世上守錢虜可同日語哉

七十六

嘉靖間嚴世蕃倚父當國鬻爵賣官受誅宜
矣然當時門路不雜今雜出矣清濁分明今

混淆矣不但君子難做連小人也
不好做得奈之何○或有問于趙
山人曰不忍言不忍言譬如娼家
一般然當時也存些廉耻掩房避
人如今徑在大路上滑天白日淫
媾全不怕人看見何由道不幸至
此竊恐天心厭亂國家或有不可
測之禍奈之何

七十七

自昔相傳云郭璞題湖州永無
兵火之災終有魚龍之患不知果
否果是郭璞有此題

鄙見以為未必響應今日可慮之大者何必
兵火服食太奢僭竄族太恣肆人心太奸險
衙門人役索財太縱橫生員太不知有郡邑
法紀絕不似嘉靖三十年以前氣象無兵火
而已灾何必魚龍作擾也

七十八

趙甬江文華視師本浙一時氣焰頗盛其在
嘉興也不知何人作主宴之聞湖中飲酒時
醉後連擲玉杯二三隻於湖王杯貴重之器
胡草芥視之至此甬江富貴已極意踴心迷

不足責矣彼為主人者既可與甬江獻酬則
方其擲杯一隻時何不扯住致使一而二三
而三至寶輕投大是可惜所謂富貴則親戚
畏懼正此之謂歟

七十九

提督荒政給事楊文舉按嘉興聞太守王公
節德款之迭代席金十兩楊不悅呼船頭欲
賞之王公曰此是知府俸金老大人看得甚
輕自知府看之甚重不是賞人之物若賞船
頭不如仍還知府命手下不牧因訖噫當

人簇擁奉楊之時王公獨立不懼如此可敬也夫楊渡江蘇州巡撫兵道差人去探前路款待事宜當時若有一二當路如王公其人
有主張有正氣者在則蘇州諸公何以病狂喪心沿及嘉興嘉興兵道治酒委一縣丞料理縣丞囑廚夫曰今日是我性命所關汝不要害我嗟乎一給事且然若朝廷駕過將如之何堂、天朝貴官大爵不意無人到此田地可哀可哀

詩云天之方蹶無然泄、朱夫子註云泄、急緩悅從之貌今天下

主上精明衆賢戮力固未有顛覆之狀如周室然而急緩悅從者未可謂無其人也夫急緩悅從所包甚廣未易指數樂姑舉三事論之入 覲齋捧表文大典也入 覲約二月辭朝除雲貴廣西四川最遠八月可抵原任齋捧九月辭 朝與入 覲事同明年正月二月可抵原任今據目見至十個月外尚多在家理事者恬不以為異不謂之急緩而何新

官初任人臣事君之始優游在家怠緩與入
覲齋捧同前輩不敢為此見撫按亦有忌憚
心今先是撫按恐得罪下官來遲絕不問故
而吏科限愆者俱務寬縱不照舊規皆所謂
悅從也余竊欲撞朝鐘擊登聞鼓請問諸
君在

祖宗朝

世宗朝敢如此否今

主上寬仁姑不計較尔一旦

乾剛奮發如法處治不少貸諸君復敢如此否

其斷然不敢無疑也孝子不因父慈而迂逆
忠臣不因

君仁而越律犯紀有世道之寄者已往不追亦
可防其將來矣

八十一

雲間王起雲嬰兒聖科也一鄉大夫晚年舉
子中痘起雲視之回曰不佳大夫集諸醫並
治痘愈脫殼大夫大開宴謝諸醫亦請起雲
實醜之也宴罷起雲曰恁老先生開宴令公
子痘終是不佳大夫盛怒碎其卓已而見果

殤或問其故曰一身痘只是一箇種子不好
脫殼不得其為術亦神奇矣哉○起雲子亦
業醫術大不若其父或問之先生何不傳之
令卽曰小兒不濟事纔見銀子便要更無一
點精進向上心腸如何做得名醫米醫如王
君可以聞道不但術高一時也

八十二

萬曆丁未某月

上特命差行人某召故閣臣王錫爵故禮部尚
書于慎行南吏部侍郎葉向高入閣禮部

侍郎李廷機見在京不旬日先入閣此
主上至公至明定自

宸衷 登極以來第一舉動四海風聞莫不欣
懽嘆美不知廷機緣何不得人心紛紛指摘
廷機固辭

上不允從天下又仰服

聖斷非衆言所能搖亂也 臣樂歸田三十載

與廷機未嘗有交竊謂 朝廷用人如醫者

用藥今天下在位諸臣固皆賢人君子然不
無一二貪濁者廁于其間譬如人病火症一

般用廷機未必不是清涼藥試而不効効之
未晚方奉

上命而言者疊、何也同寅協恭開誠心布公
道端於

廟堂諸老願望以贊雍熙之化焉

八十三

萬曆甲辰嘉湖蘇三郡數月間有四大變異
事平湖縣吏某為夫一雞不值銀四五分爾
致隣人母子於邑丞。不察按其婦夫自外
歸直入官竟剖子腹以明心跡禍甚慘焉或

云此是邑幕事非丞也○乞丐船大都出
淮陽人今又不拘丐首善騙術菓餅內置藥
幼兒女食之啞不能言即抱入舟浮舟他去
人不得其踪跡幼女長大美者淫之賣棄得
高價其醜者或瞎其目或斷其手脚指教以
求丐話行乞焉乞所得不如數痛責甚慘嘉
禾有一被害家得實首之官、受屬從輕發
落方出門地方人公忿群毆丐首三人于市
立死乙巳丐首又犯吾鎮太守陳公繫之獄
相繼死不及成遣④居憲副公名憲官提學

御史素不爲公事偶訪郡丞譚公憐夏六月
湖艱兩郡丞以下俱與禱公譚郡公宜節勞
而告災亦須七月不宜太早與諸人意左諸
人不勝忿遂鼓噪將房公毆傷其面衣冠
俱裂蓋冠裳之被辱自古及今所未有者○
張獻翼者號鍾子蘇人善詩文年垂七十用
價典一婦其夫以原值取贖張處之或過其
懲之官而夫欲健卒也遂忿昏夜持刀入張
張無備殺張男婦禍連宿客凡七人巴而健
卒以自殺○李季曰一雞小物處邑幕辱其

吏致幼子受慘毒死法當抵命後不知作何
發落丐船積惡一旦亡三命孰不謂天道昭
昭然聞仕官有受丐賂者恐無是事房公受
異常辱不因私囑召禍但六月之望非望七
仕宦登舟入郡之時張幼子者年七十而典
人少婦贖不如原數亦可情寬况懲之官過
矣六人俱斃波及宿客傷哉

八十四

太守陳公勛字無錫可謂清慎勤萬曆甲辰十
二月上官次日臨取獄中死犯凌線重笞六

十閱數日復笞死此犯與紀勝童罪皆干關
門神人胥忿勝童丁未冬亦死其死施敏苛
惡皆地方所大稱快者凡公刑威所及大都
積賊積棍積賭積年教唆之人自未有及無
辜者人或私憾謗公過嚴辟如農家芟草一
般惰農夫時根深草長四五尺不大芟治何
由見平地成良田公非殘忍刻薄人也至於冰
清玉瑩菲飲食惡衣服自是公之天性致然
矣○公不能無過、在性稍亟輕信人言自
已亦輕出言然胷次洞豁是非炯然逆耳之

論多所茹納事有議行而報罷者或平溼公
朱國禎之力諍不佞樂之懃言與有力焉今
之君子可惜動以聖賢責人而未必以賢人
自處於公不將功過準然而丘民之口夫有
不深嘉不樂道者公其二千石之最良者哉
○公清慎不待言公不憚夙興夜寐一日之
內在政事堂者約五時三年考滿足可當他
人六七年其勤有大過人者撫按二臺雖知
其賢何人肯薦語及此

本鎮裁革巡捕官略本館設有巡捕一員承
上接下似不可少但苦數十年來一官署務
便仰視積書五六為師益不經心盜置末務
眇視

巡二道及本館禁約專一接受手本擅理民
事一詞繞入非銀數錢不差人及至問詞太
約官須五六錢書手二三錢為例事情稍太
賄及二三兩餘本鎮民俱以小本為生捕官
輒指呈堂為由往來非四五日不了民所最
患愿脫衣典當揭債求免刁民大戶欲逞豪

勢以酒食結納授詞凌雲此官在鎮一日官
與積書弓兵非日八一所不充其欲一年不
下七八百金膏髓暗抽涕淚日墮民間隱痛
未有甚於此者衆議集思唯有臺端嚴示禁
約刊立板榜不得擅受民間一字庶幾大害
可杜蟻芥安生陰功無量蒙

三臺各上司嚴批永裁革不得再行擅受

八十六

太守官尊自秦漢來已然而漢尤重宋亦不
輕入國朝洪永宣順成弘間亦重至嘉隆

萬曆間而始輕然萬曆輕不可言矣輕則褻
褻則下屬百姓咸卑鄙之令不行禁不止有
太守名無太守實矣其重也必自重而人重
之其輕也必自輕而人輕之不可他尤也嘉
靖辛丑壬寅間嘉興知縣李君時行東廣人
業已陞主事將行太守某發其不職狀寧但
褫職擬軍行原籍定衛當時不聞兩臺二司
得以寬釋之也○嘉靖丙午丁未間嘉興太
守趙公瀛陝西三原人嚴重有體屬官相見
不聞留茶何況舉酒饌哉以後少松滕公令

東廣番禺其守某少松語余曰三年內未嘗
留茶余問守行誼若何少松荅曰好不意今
日氣象萎靡倣效成習若以為不如是必不
可以用世嗟乎非禮之禮大人弗為自少讀
過至入仕而忘之皆宋儒所謂讀書不識字
也○余戊辰舉進士己庚辛壬皆在新淦生
員相見余必南面而臨之未嘗傍竚不聞生
負有謗聲迄今三十餘年縣令諸公皆不傍
竚行師生儀若兄與弟並立而揖者多矣惜
哉世道人心今亦可古緣何縣官新任遇謙

退卑巽失禮的人生負反以為好稍執禮
方嚴生負同聲便說不好此豈生員之罪哉
一為父母官者憂說畏讒之念重屈已徇人有
自來也

八十七

易之中孚曰中孚豚魚吉言至信可感豚魚
也余以一事證之聖人說話更無一字謊人
余家有一犬畜之多年狀甚頽敗余憐之
以魚肉人飯餵之知其不久也時有二犬素
聞食者恬然相安更不奪其所餵必是亮余

憐老一念真切故能至此夫犬且然豚魚可
類推矣豚魚猶然况人惟萬物之靈豈有至
誠而人不動者乎故孟子曰行有不得者皆
反求諸已

八十八

凡公家事不係一身一家者莫只為自己算
計須要合人已通美方要在朝在野皆然六
科琉球差渡海風波軀命所關誰人要去然
輪着也須付之天命不由人躲萬曆某年間
一友人應輪着先期告病歸自謂得計不久

遇京察降級改縣丞轉知縣隨卒蓋得便宜
事不但人忌造物亦不相容也○萬曆戊寅
己卯間琉球使臣左給事蕭行人懋奉命至
余分巡駐延平日也採木造渡海船使臣自
張主船頭意向口嘴關民間利害在呼吸間
其來各州縣採木拖損已種之田拆毀久住
之屋荼毒萬狀一日余入省二司公宴余曰
臣子祝 聖壽萬、歲不待言琉球國王也
須活千歲方好諸公詵異問故余為述其狀
諸公始知之余去闕三十年國王又薨差

使臣如故事望中庸存懷世濟今寧化遠為
余詳道其苦照徃日尤甚是差中朝必有缺
將

聖朝勅文 欽賞禮物具在閩海口令琉球國
人來領不知緣何做不來此須閣部大臣協
力肯擔當方纔做得○夫所謂擔當者即任
事之謂也纔任事便要任勞任怨任天下萬
世之重如伊尹放太甲直把商家天下挑在
身上何嘗有此小顧慮纔顧慮便任不成一
直與我利害英滿且憤太略云今天下太急

要時便有時的人然却非孔子之時蓋時本
之時要和便有和的人然却非柳下惠之和
蓋和同之和要清的人世界上儘有不可云
無然却要如伯夷不念舊惡又少了只任之
一字難言假如本朝事孰有大於治河向來
豈無人承任然只與秀才猜做論題一般更
無確然有見有才成始成終者○王敬所先
生宗沐台疏海運事刊有成書其言鑒：可
信然中間利害相當不免覆溺船隻傷多人
命如何容易任得任來亦必不久欲畧可

須從習熟上做工夫使人得海之利不習熟則望洋而怖心生不得海利則惜身而憊心作是求通海而壅塞之也何以濟得大事為國家深長之慮者必不可廢而不講已○徐文貞公面語余曰海船用不得釘用錠樣鑲成用釘則海水鹹釘不久隨要拔出這話想是書本上来的恐不可見之行事

八十九

果報是佛家話聖人所不道也然積善之家必有餘慶積不善之家必有餘殃實是果報

聖語若無這二積字安能生得二餘字來問
人欲積善從何處做工夫起曰從忍耐上起
凡事含忍得不計較人不求勝人此便是善
世人以捨施念佛持齋爲善誤矣

九十

張江陵子中狀元次日禮部尚書汪公鏐率
諸翰林公入賀汪首致詞曰老先生功施社
稷

太祖太祖在天有靈篤生賢嗣世作國家輔相
江陵荅曰昌吾後者非今日二子指狀元榜

眼還是第四箇小兒方纔能繼我江陵此言
極深極狠

九十一

太宗伯陸公平泉樹聲在家日久方出爲宗
伯不數月告病歸翰林沈公一貫沈公懋孝
當晚携榼報國寺訪之公談咲自若無纖毫
病意兩沈公請曰先生亟歸意若何公曰我
初見朝時承江陵留我閣中具飯甚盛意
也第飯間江陵從者持黥劓刷雙鬢者再更
換所穿衣服數四這舉動必非端人正士且

一言不及時事吾是以下久留也見幾而懷
不侯終日陸公有焉動乎四體不善必先知
之江陵之謂矣余入雲間拜徐文貞公時
陸公已在家文貞公向余曰別位尚書我不
憊通臨川去拜陸平泉不可不拜余往拜陸
先是陸在禮部余適上科場疏而陸公為余
覆本盡知余也語余曰先生正人君子今去
地補諫垣不須多上本得只默坐靜坐於
朝端也自有益嗟乎孰知余之棄才易乎
負先生之獎與哉

九十二

余僉閩憲左轄沈公人稱於轄吳公文雅之
時相敎沈入覲與吳交盤庫藏故事請臬司
一位監盤而樂以兩院命往兩公調色大不
相能盡吳拆銀封父嫌輕也故事亦不寔者
封以要允過須一月前交盤則可余在兩院
前勢必不及余為寬解而別已而大計兩公
皆註不及考時撫按二公註兩公考初無及
及乎此必兩公互相揭吏部難處而均虞及
及耶語云人無害虎心虎無傷人意兩公

人耶虎耶

九十三

天下人上智下愚者少中人之性可導而上
下者多如太守廉能則同知以下必化之知
縣廉能則丞以下必化之此常理也必不可
化自有國法在吾湖太守陳公幼學一時
廉能特著同知吳公從試湖廣潛山人尚公
從試蒲州人皆一塵不染雖兩公秉性故然
而太守薰陶之助與有力焉可惜余所睹記
者歸安縣一丞儘廉潔第峭直不能阿承長

官意大計以下考黜嗟乎冤枉如丞相其人
多矣當路不可不察也

九十四

天下事迹不得一箇真天地於人若真孝真
忠真清真直婦人真善守貞節天地報之自
然一毫不爽吾於本里中二三節婦有驗甚
矣人不可作偽也

九十五

隆慶丁卯余寓國子監前因董越德識山西
蒲州楊氏昆玉父太宰虞坡公翁得窺其卧榻

薦席皆用草無繡裯錦衾之襍陳也僕徒質
素絕無大官家態豈天地悤悤無華之氣獨
鍾於西北如是耶可羨可法

九十六

余嘉靖己未入南雍晤錫山俞友問渠貴邑
解署家某某鉅富今聞喪敗曷故俞曰弟兄
相讎訟之官官下之獄膏梁子弟不耐窘辱
互相求勝用銀不暇稱允唯意所操亦唯家
人張主一日不知凡若干焉得而不耗散也
凡今之人莫如兄弟何昏迷至此

九十七

隆慶元年

莊皇帝踐祚謁

至聖先師孔子特起翰林宿儒趙公貞吉為禮部尚書充

國學堂上講書官座飲茶已而蒙

賜賚儒紳極榮也尋拜相趙公號大洲為人峭直鯁介不阿隨當分宜柄用時議論常不合至援先朝故事欲與分宜同巡邊晚年拜相寔出望外公嘗自言趙大洲有箇閣老做

人生信有命不用安排公言非特自道其素
抑欲後進之士凡事皆行法以俟命乎

九十八

雲間胡公涵白名嗣敬由官生判湖州府事
偶以公事至鎮鎮函柵一人活活故殺六歲
兒詐人財業已經縣和處歸結矣吾黨偶談
及公曰朝家豈有此法差人拘來另鞠依
律擬父軍罪一時上官無不允從者若在今
日不以胡為生事必以為出位孰肯挺身為
此兒雪是觀哉當官避事在道陵夷一日不

如一日矣噫

九十九

噫拜者故

也本桀鰲難制巡撫党

公馨驟欲裁抑之彼已不堪又追比倒馬賊
銀扣減月糧而冬衣布花等項且不以時給
拜父子逞忿乃難劉東陽為首以督府股劑
為名殺党及備兵副使石繼芳石党之姻親
也懸首牌樓妻孥受辱上損

朝廷威重下玷衣冠體面後之當事斯土者可
以鑒已變在萬曆十九年

一百

吏部掣籤選官於古無考云自孫公丕揚始
非良法成法也不意垂十年餘因仍不改本
欲示公而實濟其私至被蒙選下僚面加諷
刺朱夫子所謂欲詐為善而卒不可詐欲掩
其惡而卒不可掩殆今日之謂矣少宰楊公
時喬本清修士也一入世網遂艱超脫手不
能措口不能言深為可惜

徐文貞公階由編脩謫延平推官只當進士

初選一般且牢實做推官事非專謂

世宗英明不敢閑坐在家人臣之誼本如是六
前輩人心腸在家眠坐不穩三陽明先生謫
龍場駟丞久居其官講學過日意亦如此今
日貶秩諸公百無十九在官在家讀書賦詩
作善事的固多飲酒遊蕩囑託公事的也有
賢不肖之相去公論具在也然律以靖共匪
懈之誼均之為偷惰不職矣請問諸公設以
身處

世宗朝也敢如此無忌憚否

二

張江陵當萬曆丁丑戊寅間鑄錢之念甚切
鑄錢便民行使貧人受益不可謂其無策但
地方原有錢處則不必開局費事余巡延平
地方自有舊錢余不敢迎江陵意虛開一局
然亦不聞嗔惱可見仕君子還以自守為止
不必曲學阿世

三

薛方山先生考校烏程諸生其自謂傑才考
居二等前未見其為屈也手捧花紅紙幣而

出嗔怒之氣達於面目。此諺語識者知其
非受用器。美後果黜革。緯以壽終。○自古及
今天下。更無毀謗父師。毀謗郡邑官。的秀才
日後會長。聲進成就者。何也。終毀謗則其心
術便不良。心術一不良。則天地鬼神必不祐
之。即有成就時。必不永于世。余往驗之。○
秀才讀書作文。如人醫自己病痛。一般真知病
症。從其經絡上受虧。用藥不差。病自痊。可既
山峰先生甲寅年三月歲考湖學。余名在三
等第七。俗人見謂不是。知已然先生批余文

三篇清而未裕切中余病余將此四字粘置
座右蚤夜以思如何到得裕處真有寢食不
皇之念讀之踰年為明年乙卯自覺討得些
裕來總裕便見文字不單薄清空至八月邊
叨中鄉試先生為余之恩師固不在考列一
等一二三名也先生余不及補報及見其子
自華孫以鼎竭力崇厚報之視猶骨肉不枉
生平

田

予為延平巡道聞前道毛公鄭人也而延平

守林君懷玉仁和人入見既見驟兩集毛自
應差人持傘以送毛不言林傘夫會意執傘
蓋其守聞毛微有言林不悅回首云汝分巡
豈貴為天子乎兩君大不相怡如毛公自處
處人胥失之矣○鄉同年馮小山敏功平余
仕淦為令公已作江右少參矣移書不佞曰
凡初入仕不可有立異心不可有好名心總
好名便要立異總立異不久便要破敗唯平
易二字可終身行之余佩服其教

裴晉公豁達大度報失印不介意既獲亦無喜色是已

文淵閣印惟

閣臣

萬曆某年曾失則或以銀

鑄而盜者利之奏聞改鑄福建延平府少府署印渡水覆舟失竟不可覓此却無罪項內川布政司萬曆間亦失印七日而獲之榛莽中聞左使劉公在事萬一終不可得左使何以自安其後不知

朝廷何以處治居官者豈可以不慎也哉

聞

成祖皇帝朝有一大臣入見賜坐

上偶當飯大臣侍飯

上問曰卿顏色今日何故忿鬱對曰臣妻不賢適來與臣相爭故形於面容爾

上曰卿第飯少頃一武卒提婦人首至矣即大

臣妻也

聖主念賢臣則殺其妻而不顧

美斷真超萬世矣哉

大

隆慶壬申五月余與同年友湯君蒙內召

江右止吾兩人湯先余北去諸同年會餞余於滕王閣謂余曰年兄與湯共事一時湯差人往北不知幾遭數年兄靜坐一般也行取去一勞一逸同歸如此余笑曰普天之下伶俐人也喫飯癡呆人也喫飯從古如此○余自少愚朴不諳機械微倖中會試至臘月取選憑本部選出新淦知縣至行取時江陵初在政府加意考選而太宰楊公虞坡又同心

嚴試論一篇奏疏一篇絕與故事迥別至第
三日始定衙門正大事余俱聽命五更枕上
皂隸來報始及知之撫今追往僅四十年爾
乃今日自倉場巡務至五品以下各官無不
先期謀及先期講定行取而衙門未判爭論
紛然市朝真同市井臭穢萬狀

祖宗成規倒敗如洗有志之士寧不撫膺長嘆
也哉○余旣僞員禮科太宰楊公謂其同鄉
趙御史仁齋曰昨日原要將李某註吏科却
被劉應谷要薦湯某故李改禮科趙以語范

屏廳云太宰原意如此可憾山川遙隔太宰薨余不及生芻一拜已而其郎君某以主政權杭州南關稅余非不知可惜余家貧乏通候儀物竟致缺情大約余於故人徃徃廢禮不特一太宰也

七

漢哀帝問尚書鄭崇曰卿門何以如市對曰臣門如市臣心如冰此特取辨口給話爾天下豈有其心如冰而其門如市之大臣耶余乏書失考鄭崇何如人品姑論其理如此

凡為官諸公素不能自樹立為士大夫所輕
忽故士大夫敢於囑託又從而聽信之變亂
是非貧人受害其品愈卑下矣或問何以為
上曰能自樹立使人不敢進一言為上若地
方災沴所言公公言之則郡邑先當請教商
確不在此例

一方外人姓包自稱孝肅公拯之系或假託
也稍知醫為本診太素脉服其藥亦不見効

又自謂一百幾十歲曾見關王放還有何疑
佐余晤之林溪越月許來下顧坐間口呼王
陽明先生名曰我喫了王守仁狗骨頭的虧
可憾可憾此等人若為守土之官決當以法
治之遣之出境為士大夫當與絕交今而不
然是篤信而不好學矣近聞老賊已死於麓
廟中

十

嘉靖壬辰癸巳間浙督學汪白泉魏甯人
藻鑑精明一經獎與必執高第亦不待言也

第課士甚嚴入試之日其捷捷者必罰跪行
責吾桐君整試首名因氣觀論題仍不免
行責今人若既首名文宗必不割捨了何也
慮其中後不以為恩而反以為怨也這念橫
生便欠光明正大所望今人終不如古人爾
甲午年中浙鄉試

十一

里中沈果齋先生余先人友婿也嘗誨余曰
我做秀才時有一上司分巡八郡我失款迎
接掣籤不應各分巡怒時已歲暮不敢回家

行部長興帶去至正旦三四日試文義平道
免責方發回此想是弘治正德間事一時嚴
整氣象可想也

十二

高皇帝時宋訥為祭酒以嚴教諸監生諸監生
成才者往往大用今日秀才先是解說嚴字
不真但遇主司拘檢繩墨放肆之心不遂便
說主司過刻夫嚴者禮法本然之體刻則禮
法外用意煩苛令人手足無措二字承相違
用者如何以嚴為刻蓋浙十六七年不行嚴

考秀才慈意任情日無郡守家無父兄一旦
督學陳先生大綬以嚴課之景星鳳麟縉紳
胥慶柰何積習風靡賢愚混雜回心向道者
固多然而怨讟毀謗者亦不少矣○余嘉靖
己未入南雍馬孟河先生動遵監規待監丞
博士以下等官無一毫阿徇軟熟之氣余以
初入監遵制熟讀監規親赴博士先生抽背
一段距今五十年矣不知舉人背監規依然
如故否

萬曆甲辰秋楚府以呂易羸宗人華越奏於
朝楚王懼輦金寶入京為賄行達漢陽宗人
疑有私書劫其扛副使周應治擒數十人縛
鄉以金鼓迎入省城痛捶之械於獄諸宗大
譁抵督府欲擊周周走免而撫臺趙公可懷
遂受慘禍後以謀反聞坐斬者四人革祿發
高墻者甚多宗人以公憤戕地方大吏趙以
輕取死至今嘖嘖未已而楚宗卒代大變也

十四

厭常喜新去朴從艷天下第一件不好事此

在富貴中人之家且猶不可況下此而賤役
長年分止衣布食蔬者乎余鄉二三百里內
自丁酉至丁未若輩皆好穿絲紬縐紗湖羅
且色染大類婦人余每見驚心駭目必嘆曰
此亂象也未幾為戊申自毘陵以南洪水驟
溢米價騰湧插秧田十無一二冬必不穫明
年已酉不知荒歉作何狀既荒恐有意外不
測之變柰之何哉

十五

唐先生常言

本朝有人當

肅皇帝入繼時

兄終

弟及事理頗亦難斷而諸公議論紛紛俾

聖意如何是後自張桂二公

繼統不繼嗣五字一出而霍又從而和之大禮

遂定

本朝人物直超邁漢唐未易及也

十六

善莫過於揚人之德惡莫甚於言人之非矣

少時訪窓友某見其父伯單聚首所談只嗤
笑人譏訕人若以為樂事也弟若兄不但暮
年不得其所其死也皆從俗火化今子孫皆
零落不振可鑒已夫

十七

湖郡柏栗公鄉山煉頭肆人絕塵之守臨行
銜肉諸器物分毫不帶一銅盆日用洗面者
亦棄去清瑩可愛鄉士大夫春元請酌皆赴
但藉此有所囑託衆弗敢也尤不可及者尚
書董公係其大座師家人稍有不循禮懲治

不少貸今人一遇同年家有事便束手無策
緘口不言卑矣若遇座師不知何以處分

十八

隆菩薩 永樂中欲杜釋源籍童行皆謫為
邊士吳僧隆菩薩表求焚身救之許焉積薪
坐其上圍以刀戟擁燧未至口吐三昧火自
焚肉盡而枯骸直立節上不墮謫者由是皆
赦今吳中有焚身圖也

○古時士大夫病在率直粗傲顧無別腸
容易醫治今日士大夫病在細軟謙卑顧多

別腸不易醫治得然却要以地方論不可云
舉世皆然○萬曆某年嘉郡大守龔公入覲
還余訪之有一士夫在賓館余問要拜否對
曰先四拜後復四拜余問何也曰先為久別
後為復任此便是細軟謙卑之症○宋人有
言舉朝皆鬚眉婦人余少不以為然今日看
來悍然不顧肆無忌憚既似男身委婉聽從
人哭也哭人笑也笑人貪也貪畢竟像婦人
者多易曰大過君子以獨立不懼能獨立便
與婦人褊居不妨然在界上容他不得故聖

人又云遇世無悶

十九

初潭集載漢朱博為丞相臨拜受策有大聲如鐘鳴上問楊雄李尋對曰洪範所謂鼓妖者也人君不聰空名得進則有無形之聲博後果坐事自殺人君不聰四字漢去古未遠故敢有此言君得聞之○顧雍累遷尚書令封陽遂鄉侯拜侯還第家人不知李子曰何修何為有此懿符○仲尼曰史雖有君不道三不仕而辭並不祀而諱惡直能顯橫入李

子曰直能曲於人非有大學問大涵養不能
若負直自矜曰吾性氣如是其為直也淺矣
何足以云君子○西門豹為鄴令清冠繁纓
秋毫不私而甚簡左右左右惡之期年且計
君收其璽豹再求令鄴因重歛百姓急事左
右期年上計文侯迎而拜之豹對曰往年為
君治鄴而君奪臣璽今臣為左右治鄴而君
拜臣臣不治矣遂納璽而去嗟嗟由今視魏
文時一二千年矣吏風且然何恠乎今之奔
兢趨利者衆也○盧坦為河南尉杜黃裳為

尹召坦立堂下曰某家子與惡人游破產公
為捕盜盡察之坦曰凡居官廉雖大臣無厚
蓄其能多積者必剥下以致之如其子孫善
守是天富不道之家也不若恣其不道以歸
於人故不察客曰今之仕宦寧特在官貪婪
而已居鄉務囑託富增益惟日不足天道不
加譴焉何即李子曰彼蒼者網疎而不漏請
君安意息目以待之

二十

太守歐陽欽署到憚為功曹汝南舊俗十月

享會百里內縣皆齎牛酒到府燕飲臨享歛
曰西都督郵繇延稟性公方摧破奸賊不嚴
而理今與衆儒共論延功顯之于朝主簿讀
書教戶曹引延受賜憚于下座愀然前曰司
正舉觥以君之罪告謝于天按延資性貪邪
外方內圓朋黨構奸罔上害人所在荒亂怨
慝並作明府以惡為善股肱以曲為直此旣
無君又復無臣憚敢再拜奉觥歛色動不知
所言問下掾鄭敬進曰君明臣直功曹言切
明府德也可無受觥哉歛意少解曰實歛罪

也故受觥嗟乎此即今之鄉飲也飲必有主而主未必擇賢飲以為賓而賓不皆純德司止雖設徒文具爾焉得直言讜論如惲勇於任過如欽者而仰追古道哉

十一

。張江陵旣敗蒲州張公四維代之言官論劾居正子某某等王篆子某

某某等科場

貢緣蒲州公票

旨張某某等不問進取公私悉革職除名余不能記其全

旨而大意如此大手段大筆力真西北人氣魄也偉哉

十二

魏武帝崩文帝悉取武帝宮人自侍帝病困卞太后出看疾見直侍皆昔所幸愛者問何時來云正伏魔時過因不復前而嘆曰狗豕不食汝餘死故應爾至山陵亦竟不臨○昭君有子曰卞違單于卒卞違繼立胡俗父死子妻毋昭君問卞違曰汝為漢也為胡也卞違曰欲為胡爾昭君乃吞藥自殺

十三

馬要沈封翁塾大寒下顧余生平慣風興綿興未及櫛髮而門者報封翁至矣余迓迎問先生何時發舟曰雞初鳴余不勝嘆羨乃余壻南潯錢子人舟過我非午則未必經宿明日行余憾其無家法嘗曰錢氏必敗已而田產家業不下萬金果賣盡他徙次壻桐鄉沈子為副憲遂庵公兒其過余家半潯路而近晏起晏來較錢尤甚吾沒不及覩其敗耳若沈封翁子孫貴顯綿長宜哉

廿四

謝安石與支遁書人生如寄爾頃風流得意之事殆為都盡終日戚戚觸事惆悵惟遲君來以晤言消之一日當千載爾

又廿五

余請告還省停臨清州數日同年于公有年以侍御養疾在家屢過余寓只乘馬不乘輿家事亦蕭然清也

浙縉雲同年鄭君汝

璧語余曰弟等在家乘馬出入道遇族人尊行或賣柴魚菜生理者必下馬作揖別十數

步復乘余問假饒不下馬如何鄭曰他會罵亦相傳舊規如此

廿五

鮑宣妻桓少君初歸宣裝送甚盛宣謂妻曰少君生富貴習美飾而吾實貧賤不敢當禮少君曰大人以先生修德守約故使賤妾侍巾櫛既奉承君子唯命是從乃悉屏侍御服飾更短布裳與宣共挽鹿車歸鄉里拜姑禮畢提甕出汲修行婦道鄉邦稱之○梁鴻字伯鸞勢家慕其高節多欲女之鴻並不娶同

縣孟氏女肥醜而黑擇對不嫁鴻聞而聘之
始以裝飾入門七日而鴻不答妻跣牀下請
罪鴻曰吾欲裘褐之人可與俱隱深山者今
衣綺縞傳粉墨豈鴻所願哉妻曰以觀夫子
之志爾乃更為椎髻著布衣操作而前鴻曰
此真梁鴻妻也字之曰德耀名孟光久之同
入霸陵山中業耕織詠詩彈琴以自娛多所
著述至吳依臯伯通為人賃舂妻具食舉案
齊眉伯通異之乃舍之於家疾且困伯通為
求葬地於要離墓傍咸曰要離烈士伯鸞清

高可令相近

李子曰鮑宣梁鴻清高絕俗少君德耀婦順
邁倫伯通亦非尋常人矣彼鮑梁二君者生
前生後何修何為而獲此良配以流芳百世
哉

廿六

翰林方公

從哲德清籍京師人

大司成在告一日偶

乘蹇騾行街坊而巡城御史某公門人也其
跟隨人不知為方公將鞭狠打騾一下騾跳
奔方公墮地門人尾其行造宅請罪公曰無

此事我不曾騎驃出誰妄說至此倘聞之市
朝不雅我實未嘗出也或眼官人誤認耶此
事雖小而公雅度寬弘善處師弟之間曲盡
其妙矣迥未易及

廿七

里中有土妓某氏厥夫某嘗作短工于密印
僧家知僧囊頗饒傍人笑之告僧淫其妻事
在郡守陳公幼學郡批烏程問理烏程已捷
僧具由報矣陳公覆審密召鐵佛寺一僧置
之閒房厥夫亦遠置門外召婦問曰若所告

僧若熟識其面乎婦因淫謀日久屢逃我
物某物如何不認稱詢實根鎖佛赤僧出問
婦曰是乎若却認得乎婦曰正是太守大
縛其夫進痛責之婦亦去衣決密印僧覓得
白郡門外聚觀者至二三百人咸稱快焉○
僧道不守清規自是莊間常事然却要存些
體面庶僧門道院亦有光輝若肆無忌憚往
徃殺身寧止受辱而慙余所目擊萬曆間越
利濟院僧某見殺于姦婦主人之子廣福寺
僧某見殺于姦婦之夫割其首送官兩有可

鑒不足惜已

廿八

吳中明

號左海歙縣人丙戌進士

趙公

志

在政府有族

人名學仕者任南京工部主事用官銀三千兩不明被叅不議賠償亦不擬罪止謫官通判已而未赴京從內竟補饒州府判吳公極言學仕應坐監守自盜律失出併論南京法司衙門公論定趙卒問徒正法彈章傳播海內惜余未之見也噫天下未嘗無人但無人用之爾如公真直道事人者玆今官按察使

廿九

戊申七月長興丁慎所公元薦下頤道及原

任吾浙撫臺王公

汝訓山東人

起南京刑部侍郎

烏程籍吳江沈太素公

季文

巡撫河南特本

薦原任吾浙巡按彭公

應參

又二員某某皆

在林下者特薦與復

命不同王公云多懿

行余並喜而識之○王公與慎所父同年慎

所曾造其家時王公厚貲俱散盡無磚瓦重

門之蔽命童子開籬柵延丁入景象幽雅蓋

人間地行僊也

三十

余長伯家最薄先贈君代償其負券零星難
數一日下姑蘇市貨將還家長伯負鄔氏十
餘金索甚亟祖母權辭對其人云俟贈君回
即有處贈君不忍祖母食言即以所市蘇貨
一船盡償鄔去較范公麥舟之助多寡雖殊
其尚義一也○里中孔姓者失十餘金于肆
中贈君拾而藏之須臾號泣來覓慰之曰毋
泣也開其封如數悉遞還 又一鄉間婦人
亟行市中墮倒插贈君追而還之婦泣拜謝

去 先贈君懿行詳載唐一菴先生誌銘及
家傳遺事此特百分之一爾不肖萬不能及
者則先贈君為善出自夙稟素心隨感而應
初無好名責報之念古人所謂陰德贈君有
焉

三十一

人當不如意或遭大患難時可以考見學問
操持當窺得意當貴榮利駢集尤可以考見
學問操持故孟子曰富貴不能淫貧賤不能
移威武不能屈此之謂大丈夫少不然即為

小丈夫矣學者當時時猛省

三十二

李固與弟書曰經有五涉其四州有九涉其
八但未到益州爾唐先生足跡遍天下獨不
到四川晚年欲行其兒孫輩長跪阻之恐其
客死也先生曰客死與老死牖下總一般先
生無書不讀何止五經賢於李固遠矣若余
壯年五經雖嘗涉畧獨苦拙性不能記人姓
名左傳胡傳雖讀猶不讀也宇內山川百不
睹一况八州乎

三十三

嚴君平遵常嘆曰益我貨者損我神生我名者殺我身賣卜成都市日得百錢自給則閉肆下簾富人羅冲為具車馬衣糧皆不受曰吾非不足子柰何以不足而助有餘冲曰吾有萬金子無僦石何云有餘君平曰不然子家汲汲營營常苦不足我以卜為業不下牀而錢自至猶餘數百非我有餘而子不足乎○向子平讀易至損卦喟然歎曰我已知富不如貧貴不如賤但未知死何如生爾嫁娶

畢敕斷家事云當如我已死與同好禽子夏
俱遊五嶽名山不知所終

三十四

禮儀三百威儀三千非古先聖王好為此繁
瑣以苦人也人生世上此身此心唯禮可以
檢束之故詩曰人而無禮胡不遄死言禮不
可一日無也沈封君塾在座鏡宇昆弟四人
一語不發偶一日沈中丞稱作社主鏡宇以
侄行猶執杯遞上中丞送客余訪沈繼山亞
卿偶持齋素其內人併繼山不供一葷肉余

讀書董氏拜三莊唐先生下顧董宗伯公
莊來唐先生坐坐坐宗伯與余在旁懋德待
移時先生亦不命之坐禮固然也天地生人
所以長此禮之為助焉

三十五

延陵季子遊於齊聞遺金於路呼牧者取之
牧者曰何子居之高而視之下也類君乎而
言野也有君不臣有友不友當暑衣裘當
取金者乎季子知其賢請問姓名牧者曰
皮相之士何足語姓字哉

三十六

李景讓為浙西觀察因杖殺一左都押衙軍
中憤怒欲為變景讓方視事其母出坐廳事
立景讓於庭責之曰天廷付汝以方面豈得
妄殺萬一致下方不寧豈惟上負天子下愧
先人矣命左右褫其衣坐之欲撻其背將佐
皆泣拜為請至夕乃釋軍中遂定

三十七

藝祖將北征京師諠言欲立檢點為天子太
祖告其家曰外間詢詢將若之何時太祖據

在廚下舉麵杖擊之曰大夫臨事可否當自決乃來家問恐怖婦女耶

三十六

衛大夫史魚卒委柩後寢衛君吊而問之其子對曰吾父生不能進蘧伯玉退彌子瑕以屍諫也○子產聞子皮卒哭曰吾已無為去聲為善矣唯子知我○叔向見司馬侯之子撫而泣之曰自其父之死也吾蔑與比事君也昔者此其父始之我終之我始之夫子終之○淮南子曰惠施死而莊子寢說言世莫可

為語也○龐德公居漢之陰司馬德操宅州之陽望衡對宇歡情自接泛舟寒裳率爾休暢一日德操詣之值德公他出德操入其室命其家速作黍妻子羅拜堂下奔走供設俄而德公還直入相就不知何者是客李子曰古人所云通家之好固若是乎今人投刺通家者多覽此深媿○謝安石與支遁書人生如寄爾頃風流得意之事殆為都盡終日戚戚觸事惆悵惟遲君來以晤言消之一日當千載爾

報國諸臣姓名

侍講方孝孺字希古浙江寧海人
修撰王叔英字原采浙江黃巖人
左拾遺戴德彛浙江奉化人

編脩王艮字欽止江西吉安縣人
編脩程濟陝西朝邑人

國子監博士黃彥清不知何許人
吏部侍郎毛太亨不知何許人

禮部尚書陳迪字景道寧國宣城人

子鳳山丹山等六人同日就戮

侍郎黃魁不知何許人

工部尚書嚴震直湖州烏程人道遇建文

君吞金自盡

侍中黃觀字伯瀾貴池人洪武中會試廷試
皆第一妻翁氏二女同死

兵部尚書齊泰溧水人從兄弟敬宗等同死
尚書鐵鉉上賜字鼎石鄧州人

侍郎陳植廬江人

刑部尚書侯泰字順懷南和人弟敬祖子紀

尋坐死

尚書暴昭山西潞州人

侍郎張曷澤州人

侍郎胡子韶字仲常嘉定州榮縣人

戶部侍郎卓敬字惟恭浙江瑞安人

侍郎盧迥浙江僊居人

侍郎郭任鎮江丹徒人

主事巨敬陝西平涼人

都御史茅大芳揚州太興人

都御史陳性善初名復以字行浙江山陰人

僉都御史周璿青州諸城人妻子皆繫獄

御史大夫練子寧初名安以字行江西新淦人

御史大夫景清陝西真寧人

都御史司中不知何許人

大理少卿胡閏字松友西隅人

少卿薛崑陝西閿鄉人

大理寺丞鄒瑾字公瑾吉安永豐人

大理寺丞劉瑞江西南昌人

寺丞彭興明江西萬安人弃官迹遁莫知所

終

太常寺卿黃子澄字伯淵初名湜以字行江

西分宜人

少卿盧應鸞字希晉浙江寧海人

少卿廖升湖廣襄陽人

少卿高巽志字士敷其先徐州蕭縣人

戶科給事中陳繼之興化莆田人

戶科給事中韓永西安人或云淳山人

刑科給事中黃鉞字叔揚蘇州常熟縣人

戶科給事中龔泰字叔安浙江義烏人

監察御史魯鳳韶西廬陵人

御史董鏞不知何許人

御史王度字子忠廣東歸善人

御史魏冕吉安永豐人

御史甘霖安慶懷寧人

御史高翔陝西朝邑人

御史王彬字文曾山東濰陽人

御史鄭公智字顯真嘉州寧海人

御史王玘蘇州人

中書舍人梁良玉變姓名走海南

中書舍人何申不知何許人

中書舍人郭節宋和不知何許人何洲海州人俱變姓名走異域

行人鄭華字思孝浙江臨海人

宋人府經歷宋徵妻子并被殺

銷天監副劉伯完亡去莫知所終

布政司叅政鄭居貞徽州人

山西布政司理問徐讓不知何許人戰歿

浙江按察使王良河南祥符人與家人同赴

穴也

西州按察使李文敏山西蔚州人

前僉都御史江西副使程本立嘉興崇德人
自縊死

北平按察僉事湯宗

僉事胡子義刑部侍郎子昭弟也弃去莫知
所之

徽州知府陳彥回字士淵福建莆田人

蘇州知府姚善字元一湖廣安陸州人

衛輝知府孫鎮合肥人薦起不就自號冲玄
子

寧波知府王進字器之日照人文廟赦還不

仕

濟南知府徐安寧波鄞縣人謫戍雲南

徽州知府黃希范不知何許人論死籍其家
知府楊任浙江嘉興人子禮益同被戮

知府葉惠仲台州臨海人被戮妻蕭氏為奴
同知石允常免死謫戍

教諭王省子通判王禎同死于義

賓州知州蔡運南康人靖難後論死

沛縣知縣顏伯瑋自經死子有為自刎江西

廬陵人

樂平知縣張彦方龍泉縣人梟首暴屍顏面
如玉

蕭縣知縣鄭恕字本忠僊居人靖難兵攻城
破恕死之

孝義縣丞衛健戰歿

沛縣主簿唐子清為北兵所執不屈死
典史黃謙死事與唐同

漳州府學教授陳思賢廣東茂名人其徒諸
生伍性原 陳應宗 林珏 鄒君默

曾廷瑞 呂賢等同日死聞

文皇登極詔也

進士陳周不知何許人雖承吳伯道衍之薦
隱居錫山終身不仕

進士王高南昌人與劉瑞同年坐縱方孝孺
劓鼻于樹下與瑞同死

舉人劉政字仲理長洲人方孝孺所取解首
孝孺被戮政不食而死

生員高賢寧王省所教士志不授官

燕府長史葛誠

燕府伴讀俞逢辰字彥章上平國宣城人以泣

諫被戮

遼府長史程通字彥亨績溪人死獄中

寧府長史石撰山西平定人支解而死

衡府紀善周是修以字行自安泰和人自經

于應天府學

谷府長史劉璟字仲璟浙江青田人其父文
成太師也下獄自經死

秦府長史鄒朴字爾思仁西永豐人

晉府長史龍鐔字德剛並州載人不屈而死

魏國公徐輝祖鳳陽人中山王之長子年長

閑住以疾薨

越舊侯俞通淵廬州巢縣人陣亡於白溝河
駙馬都尉李堅懷慶武陟人械送北平道卒
駙馬都尉耿璿長興侯之子杜門稱疾竟坐
罪死

都督廖鏞無為州巢縣人送刑部論死

都督孫岳宥死安置海南

都督耿璿長興侯仲子靖難後論死

都督趙清鳳陽人靖難後召入乞閒不許

都督竇忠被執妻與父徐凱同死

都督馬溥壽州人戰敗靈璧被執

都督陳暉被執送北平中道逸去不知所終

都指揮楊松 潘忠松戰死忠被擒

都指揮謝貴伏發就擒而死

都指揮彭二為健卒所格殺

都指揮馬宣被執罵不絕口死之

都指揮鄧戩 陳鵬俱被北兵擒

都指揮朱鑑被縛罵不絕口死之

都指揮瞿能戰敗白溝河死之

都指揮宋忠懷來戰敗被執而死

都指揮俞瑱被執不屈死之

都指揮彭聚力戰死

都指揮孫泰力戰死于陣

都指揮莊得一力戰死之

都指揮陳質被執不屈死之

都指揮楚智 阜旗張同力戰夾河被執不

屈死之

都指揮薛朋濟陽城陷被執教諭王省死之

都指揮唐禮為靖難兵所襲被擒

楊州衛世指揮崇剛與御史王彬同被執不

屈而死

指揮王資不知所自始靖難後追罪廢死

陸梁衛指揮滕聚戰白溝河死

燕護衛指揮盧振數罪夷族

指揮趙諒坐廢憂懼卒

指揮宋瑄忠順公晟之子靈璧之戰力屈死

之

河北指揮張倫靖難後戰死

胡騎指揮火耳灰以擒死

指揮丁良朱彬以兵所擒死

指揮賈榮為北兵所擒

薊州衛鎮撫曾璠為張玉所執不屈死

鎮撫楊本處州人

鎮撫周拱元湖廣沅州人靖難後死之

燕山左護衛千戶倪諒靖難後死之

千戶蘇獻為北兵生擒

叅軍斷事高巍遼州人篤孝誼善文章京城

破自繫驛舍死

行軍斷事錢芹字繼忠蘇州人云死國事或

云病卒

衛卒儲福無錫人調曲靖衛舟中不食而死
衛卒羅義山西都司戍卒曾上燕王書下
獄

阜隸茅印仔上高人同侯泰被挈後典刑
內官長壽為北兵擒

以下有官職而無姓名

尚書徐公

刑部侍郎金公

燕奉祠何公

松江府同知礫於市

有姓名而無官職

朱進常州人

謝昇山東諸城人

牛景先變姓名走死薊州中

杜奇北平人極諫 燕王當守臣節立斬之

周璿身死妻子沒官

黃埤 陳子方餘姚人與陳性善同死

以上報國諸臣紀中先列二十餘人矣此採
建文朝野彙編所載而悉記其姓名庶使後學
一覽而易知改革之際豪傑忠賢不約而奮
起如此然追想誅夷慘禍夫豈

昭代之幸哉吾師一菴先生尚論諸臣每極歎

欷歔息而重羨尚書嚴公震直吞金自盡善
効其忠以其體天地好生之德災不橫流
及也先生之意大且深矣